



An Bhruiséil, 18 Samhain 2025  
(OR. en)

15538/25

---

---

**Comhad Idirinstitiúideach:  
2025/0351 (NLE)**

---

---

ESPACE 82  
EEE 30  
RECH 507  
COMPET 1173  
IND 511  
EU-GNSS 22  
TRANS 552  
AVIATION 159  
MAR 160  
TELECOM 404  
MI 914  
CSC 599  
CSCGNSS 12  
CSDP/PSDC 707

**TOGRA**

---

ó:	Ardrúnaí an Choimisiúin Eorpaigh, arna s(h)íniú ag Martine DEPREZ, Stiúrthóir
dáta a fuarthas:	17 Samhain 2025
chuig:	Thérèse BLANCHET, Ardrúnaí Chomhairle an Aontais Eorpaigh
Uimh. an doic. ón gCoim.:	COM(2025) 693 final
Ábhar:	Togra le haghaidh CINNEADH ÓN gCOMHAIRLE maidir le tabhairt i gcrích, thar ceann an Aontais, Comhaontaithe idir an tAontas Eorpach, de pháirt, agus an Íoslainn, den pháirt eile, lena leagtar síos na rialacha maidir le rannpháirtíocht na hÍoslainne i gcomhpháirt GOVSATCOM de Chlár Spáis an Aontais agus i gClár an Aontais um Nascacht Shlán

---

Gheobhaidh na toscaireachtaí i gceangal leis seo doiciméad COM(2025) 693 final.

---

Faoi iamh: COM(2025) 693 final



AN COIMISIÚN  
EORPACH

An Bhruiséil, 17.11.2025  
COM(2025) 693 final

2025/0351 (NLE)

Togra le haghaidh

### **CINNEADH ÓN gCOMHAIRLE**

**maidir le tabhairt i gcrích, thar ceann an Aontais, Comhaontaithe idir an tAontas Eorpach, de pháirt, agus an Íoslainn, den pháirt eile, lena leagtar síos na rialacha maidir le rannpháirtíocht na hÍoslainne i gcomhpháirt GOVSATCOM de Chlár Spáis an Aontais agus i gClár an Aontais um Nascacht Shlán**

## MEABHRÁN MÍNIÚCHÁIN

### 1. COMHTHÉACS AN TOGRA

#### • Forais agus cuspóirí an togra

Is dlúth-chomhpháirtí Spáis den Aontas í an Íoslainn agus tá sí rannpháirteach i roinnt comhpháirteanna de Chlár Spáis an Aontais<sup>1</sup>, cé is moite de roinnt eisceachtaí lena n-áirítear comhpháirt GOVSATCOM.

An 14 Nollaig 2023 d'iarr an Íoslainn tús a chur leis an gcaibidlíocht maidir le comhaontú d'fhonn a bheith rannpháirteach i gcomhpháirt GOVSATCOM de Chlár Spáis an Aontais agus i gClár an Aontais um Nascacht Shlán. An 25 Feabhra 2025 d'údaraigh an Chomhairle tús a chur leis an gcaibidlíocht thar ceann an Aontais<sup>2</sup>.

Mar a shainmhínítear i Rialachán (AE) 2023/588 maidir le Clár an Aontais um Nascacht Shlán<sup>3</sup> ('an Rialachán maidir le Nascacht Shlán') agus i Rialachán (AE) 2021/696 maidir le Clár Spáis an Aontais<sup>4</sup> ('an Rialachán maidir leis an Spás'), eagrófar rannpháirtíocht tríú tíortha i Nascacht Shlán agus in GOVSATCOM faoi seach trí chomhaontú idirnáisiúnta neamhspleách i gcomhréir le hAirteagal 218 CFAE.

Rannpháirtíocht na hÍoslainne i Nascacht Shlán agus in GOVSATCOM, tabharfar i gcrích í i gcomhaontú amháin toisc go bhfuil an dá chlár fite fuaite ina chéile, ós rud é gurb é GOVSATCOM an lárionad seirbhíse le haghaidh Nascacht Shlán freisin agus toisc go bhfuil feidhm ag na coinníollacha céanna maidir le rannpháirtíocht na hÍoslainne sa dá chlár.

Ó thaobh na geopholaitíochta de, is chun leas an Aontais í rannpháirtíocht na hÍoslainne i gcomhpháirt GOVSATCOM de Chlár Spáis an Aontais agus i gClár an Aontais um Nascacht Shlán toisc go rannchuideoidh sí le ról na hEorpa mar ghníomhaí domhanda a neartú mar go méadaíonn sí úsáid na Nascachta Sláine thar theorainneacha an Aontais agus go gcuirfidh sí an comhar idirnáisiúnta chun cinn freisin mar a shainmhínítear sa Straitéis Spáis don Eoraip<sup>5</sup>. Le Comhaontú leis an Íoslainn, neartaítear seasamh straitéiseach an Aontais, ar cuspóir é de Straitéis Spáis an Aontais Eorpaigh um Shlándaíl agus Cosaint<sup>6</sup>.

Is chun leas an Aontais Eorpaigh í rannpháirtíocht tríú tír amhail an Íoslainn, toisc go ngintear léi ioncam don Aontas Eorpach freisin trí úsáid Nascachta Sláine a mhéadú.

<sup>1</sup> Rialachán (AE) 2021/696 ó Pharlaimint na hEorpa agus ón gComhairle an 28 Aibreán 2021 lena mbunaítear Clár Spáis an Aontais agus Gníomhaireacht an Aontais Eorpaigh um an gClár Spáis agus lena n-aisghairtear Rialachán (AE) Uimh. 912/2010, (AE) Uimh. 1285/2013 agus (AE) Uimh. 377/2014 agus Cinneadh Uimh. 541/2014/AE, IO L 170 an 12.5.2021, lgh. 79-148.

<sup>2</sup> Comhairle an Aontais Eorpaigh, 16060/24 ADD 1 ESPACE 106 an 11 Nollaig 2024.

<sup>3</sup> Rialachán (AE) 2023/588 ó Pharlaimint na hEorpa agus ón gComhairle an 15 Márta 2023 lena mbunaítear Clár an Aontais um Nascacht Shlán le haghaidh na tréimhse 2023-2027 (IO L 79, 17.3.2023, lch. 1, ELI: <http://data.europa.eu/eli/reg/2023/588/oj>).

<sup>4</sup> Rialachán (AE) 2021/696 ó Pharlaimint na hEorpa agus ón gComhairle an 28 Aibreán 2021 lena mbunaítear Clár Spáis an Aontais agus Gníomhaireacht an Aontais Eorpaigh um an gClár Spáis agus lena n-aisghairtear Rialachán (AE) Uimh. 912/2010, (AE) Uimh. 1285/2013 agus (AE) Uimh. 377/2014 agus Cinneadh Uimh. 541/2014/AE (IO L 170, 12.5.2021, lch. 69; ELI: <http://data.europa.eu/eli/reg/2021/696/oj>).

<sup>5</sup> Straitéis Spáis don Eoraip, Teachtaireacht ón gCoimisiún chuig Parlaimint na hEorpa, chuig an gComhairle, chuig Coiste Eacnamaíoch agus Sóisialta na hEorpa agus chuig Coiste na Réigiún, COM(2016) 705 final an 26.10.2016.

<sup>6</sup> Straitéis Spáis an Aontais Eorpaigh um Shlándaíl agus Cosaint, Teachtaireacht Chomhpháirteach chuig Parlaimint na hEorpa agus chuig an gComhairle, JOIN(2023) 9 final an 10.3.2023.

- **Comhsheasmhacht le forálacha beartais atá sa réimse beartais cheana**

Leis an Rialachán maidir le Nascacht Shlán, tugtar an deis an Clár um Nascacht Shlán a oscailt do thríú tíortha, ar tíortha CSTE LEE iad an chéad chatagóir díobh.

Le comhaontú leis an Íoslainn, comhlánófar Clár an Aontais um Nascacht Shlán. Le comhaontú, déanfar Nascacht Shlán a chur chun cinn agus a neartú lasmuigh den Aontas freisin, san Fhor-Tuaisceart lena mbaineann tábhacht straitéiseach.

- **Comhsheasmhacht le beartais eile de chuid an Aontais**

I bhfianaise shuíomh geografach tairbhiúil na hÍoslainne gar don réigiún Artach, tá Nascacht Shlán tábhachtach chun tacú le príomhearnálacha eacnamaíocha, go háirithe earnálacha na teileachumarsáide agus an iompair.

Le comhaontú um Nascacht Shlán leis an Íoslainn, rannchuideofar le roinnt tosaíochtaí den Aontas, lena n-áirítear an Comhaontú Glas, Eoraip atá oiriúnach don Aois Dhigiteach, Geilleagar a Fhóireann do Dhaoine agus Eoraip níos láidre sa Domhan.

I bhfianaise shuíomh geografach tairbhiúil na hÍoslainne gar don réigiún Artach, le comhaontú, cuirfear freisin leis an tsíocháin agus leis an tslándáil agus le forbairt inbhuanaithe an Domhain.

Sa Chompás Straitéiseach um Shlándáil agus Cosaint a ghlac an Chomhairle an 21 Márta 2022, moltar go gcuirfidh spáschórais an Aontais nascacht dhomhanda ar fáil do ghníomhaithe slándála agus cosanta. Iarrtar ann freisin ar an Aontas obair a dhéanamh ar an togra le haghaidh córas cumarsáide domhanda atá slán agus spásbhunaithe le haghaidh an Aontais Eorpaigh. Le comhaontú leis an Íoslainn, rannchuideofar leis an méid sin.

## **2. BUNÚS DLÍ, COIMHDEACHT AGUS COMHRÉIREACHT**

- **An bunús dlí**

Faoi Airteagal 189(2) CFAE, ba cheart do Pharlaimint na hEorpa agus don Chomhairle, ag gníomhú dóibh i gcomhréir leis an ngnáthnós imeachta reachtach, na bearta is gá a chur i bhfeidhm chun cuspóirí Beartais Eorpaigh Spáis a bhaint amach. Beart amháin is ea comhaontuithe idirnáisiúnta um chomhar spáis a thabhairt i gcrích, amhail an comhaontú a ullmhaíodh faoin tionscnamh seo.

Foráiltear le hAirteagal 218(6) den Chonradh ar Fheidhmiú an Aontais Eorpaigh (CFAE) go nglacfaidh an Chomhairle, ar thogra ón idirbheartaí, cinneadh lena dtabharfar i gcrích an comhaontú.

- **Coimhdeacht (i gcás inniúlacht neamheisiach)**

Tríd an Rialachán maidir le Nascacht Shlán agus tríd an Rialachán maidir leis an Spás, cuirtear de chúram ar an Aontas réitigh cumarsáide satailíte atá athléimneach, domhanda, slán, cosanta, gan bhriseadh, ráthaithe agus solúbtha a sholáthar, bunaithe ar bhonn teicneolaíoch agus tionsclaíoch den Aontas, chun athléimneacht oibríochtaí na mBallstát agus institiúidí an Aontais a mhéadú.

Ós rud é gur clár de chuid an Aontais iad Clár an Aontais um Nascacht Shlán agus Clár Spáis an Aontais, ní féidir le Ballstáit den Aontas rannpháirtíocht tríú tíortha sa dá chlár a bhaint amach iad féin.

- **Comhréireacht agus an rogha ionstraime**

Mar a shainmhínítear sa Rialachán maidir le Nascacht Shlán agus sa Rialachán maidir leis an Spás, eagrófar rannpháirtíocht tríú tíortha i Nascacht Shlán agus in GOVSATCOM faoi seach trí chomhaontú idirnáisiúnta neamhspleách i gcomhréir le hAirteagal 218 CFAE d'fhonn cearta agus oibleagáidí a chruthú idir na páirtithe.

### **3. TORTHAÍ AR MHEASTÓIREACHTAÍ *EX POST*, AR CHOMHAIRLIÚCHÁIN LEIS NA PÁIRTITHE LEASMHARA AGUS AR MHEASÚNUITHE TIONCHAIR**

- **Bailiú agus úsáid saineolais**

Bhailigh an Coimisiún an fhaisnéis agus an saineolas ba ghá, ina phlé le Ballstáit den Aontas freisin, lena n-áirítear an fhaisnéis agus an saineolas maidir le cearta agus oibleagáidí rannpháirtíochta tíortha nach Ballstáit den Aontas iad dá dtagraítear sa Rialachán maidir le Nascacht Shlán agus sa Rialachán maidir leis an Spás.

### **4. IMPLEACHTAÍ BUISÉADACHA**

Rannchuideoidh an Íoslainn le Clár an Aontais um Nascacht Shlán agus le fo-chomhpháirt GOVSATCOM bunaithe ar a OTI, lena n-áirítear an coigeartú le haghaidh 2023-2025 i gcás Nascacht Shlán an Aontais agus le haghaidh 2021-2025 i gcás GOVSATCOM.

### **5. EILIMINTÍ EILE**

- **Pleananna cur chun feidhme, agus socruithe faireacháin, meastóireachta agus tuairiscithe**

Déanfaidh an tAontas agus an Íoslainn faireachán ar chur chun feidhme an chomhaontaithe seo trí Chomhchoiste a bhunófar faoin gComhaontú.

Togra le haghaidh

## CINNEADH ÓN gCOMHAIRLE

**maidir le tabhairt i gcrích, thar ceann an Aontais, Comhaontaithe idir an tAontas Eorpach, de pháirt, agus an Íoslainn, den pháirt eile, lena leagtar síos na rialacha maidir le rannpháirtíocht na hÍoslainne i gcomhpháirt GOVSATCOM de Chlár Spáis an Aontais agus i gClár an Aontais um Nascacht Shlán**

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe Airteagal 189, i gcomhar le hAirteagal 218(6), an dara fómhír, pointe (a), de,

Ag féachaint don togra ón gCoimisiún Eorpach,

Ag féachaint don toiliú ó Pharlaimint na hEorpa<sup>7</sup>,

De bharr an mhéid seo a leanas:

- (1) I gcomhréir le Cinneadh (AE) .../... ón gComhairle<sup>8</sup> an [dáta], an Comhaontú idir an tAontas Eorpach, de pháirt, agus an Íoslainn, den pháirt eile, lena leagtar síos na rialacha maidir le rannpháirtíocht na hÍoslainne i gcomhpháirt GOVSATCOM de Chlár Spáis an Aontais agus i gClár an Aontais um Nascacht Shlán, agus maidir le rochtain ar a seirbhísí (an ‘Comhaontú’), síníodh é thar ceann an Aontais an ...<sup>9</sup> faoi réir a thabhairt i gcrích ar dháta níos déanaí.
- (2) Ó thaobh na geopholaitíochta de, le rannpháirtíocht na hÍoslainne i gcomhpháirt GOVSATCOM de Chlár Spáis an Aontais agus i gClár an Aontais um Nascacht Shlán, rannchuideofar le ról na hEorpa mar ghníomhaí domhanda a neartú agus cuirfear an comhar idirnáisiúnta chun cinn mar a shainmhínítear sa Straitéis Spáis don Eoraip<sup>10</sup>. Le Comhaontú leis an Íoslainn, neartaítear seasamh straitéiseach an Aontais, ar cuspóir é de Straitéis Spáis an Aontais Eorpaigh um Shlándaíl agus Cosaint<sup>11</sup>.
- (3) Ba cheart an Comhaontú a fhorghnó,

<sup>7</sup> Toiliú an IO C , , lch. [...] (nár foilsíodh fós in *Iris Oifigiúil an Aontais Eorpaigh*).

<sup>8</sup> IO: Cuir isteach sa téacs, uimhir an Chinnidh atá i ndoiciméad ST 7773/23 agus cuir isteach uimhir, dáta agus tagairt IO an Chinnidh sin san fhonóta:

Cinneadh (AE) .../... ón gComhairle an ... maidir le síniú, thar ceann an Aontais, an Chomhaontaithe idir an tAontas Eorpach, de pháirt, agus an Íoslainn, den pháirt eile, lena leagtar síos na rialacha maidir le rannpháirtíocht na hÍoslainne i gcomhpháirt GOVSATCOM de Chlár Spáis an Aontais agus i gClár an Aontais um Nascacht Shlán (IO L ..., lch. ...).

<sup>9</sup> IO: Cuir isteach sa téacs dáta sínithe an Chomhaontaithe.

<sup>10</sup> Straitéis Spáis don Eoraip, Teachtaireacht ón gCoimisiún chuig Parlaimint na hEorpa, chuig an gComhairle, chuig Coiste Eacnamaíoch agus Sóisialta na hEorpa agus chuig Coiste na Réigiún, COM 705 final an 26.10.2016.

<sup>11</sup> Straitéis Spáis an Aontais Eorpaigh um Shlándaíl agus Cosaint, Teachtaireacht Chomhpháirteach chuig Parlaimint na hEorpa agus chuig an gComhairle, JOIN(2023) 9 final an 10.3.2023.

TAR ÉIS AN CINNEADH SEO A GHLACADH:

*Airteagal 1*

Formheastar leis seo an Comhaontú sin idir an tAontas Eorpach, de pháirt, agus an Íoslainn, den pháirt eile, lena leagtar síos na rialacha maidir le rannpháirtíocht na hÍoslainne i gcomhpháirt GOVSATCOM de Chlár Spáis an Aontais agus i gClár an Aontais um Nascacht Shlán (an ‘Comhaontú’).

*Airteagal 2*

Tiocfaidh an Cinneadh seo i bhfeidhm ar dháta a ghlactha.

Arna dhéanamh sa Bhruiséil,

*Thar ceann na Comhairle  
An tUachtarán*

## RÁITIS AIRGEADAIS REACHTACHA

### RÁITEAS AIRGEADAIS REACHTACH ‘IONCAM’ - LE hAGHAIDH TOGRAÍ A bhFUIL TIONCHAR BUISÉADACH ACU AR THAOBH AN IONCAIM DEN BHUISÉAD

#### 1. AINM AN TOGRA:

COMHAONTÚ IDIR AN tAONTAS EORPACH AGUS AN ÍOSLAINN LENA LEAGTAR SÍOS NA RIALACHA MAIDIR LE RANNPHÁIRTÍOCHT NA hÍOSLAINNE I gCLÁR AN AONTAIS UM NASCACHT SHLÁN AGUS I gCOMHPHÁIRT GOVSATCOM DE CHLÁR SPÁIS AN AONTAIS

[AN ÍOSLAINN, GOVSATCOM]

#### 2. LÍNTE BUISÉID:

Líne ioncaim (Caibidil/Airteagal/Ítim): 6 6 0 0

An méid arna bhuiséadú le haghaidh na bliana lena mbaineann:

(i gcás ioncam sannta amháin):

Sannfar an t-ioncam don líne chaiteachais seo a leanas (Caibidil/Airteagal/Ítim): 04 02 03.01.

#### 3. TIONCHAR AIRGEADAIS

- Ní bheidh aon impleacht airgeadais ag an togra
- Ní bheidh aon tionchar airgeadais ag an togra ar chaiteachas ach beidh tionchar airgeadais aige ar ioncam
- Tá tionchar airgeadais ag an togra ar ioncam sannta

Is mar seo a leanas a bheidh an éifeacht:

(EUR milliúin go dtí an chéad deachúil)

Líne ioncaim	An tionchar ar ioncam <sup>1213</sup>	Tréimhse 12 mhí dar tús 1/1/2026 (más infheidhme)	Bliain N
6 6 0 0	0,09		2026

<sup>12</sup> Is gá gur meastachán, atá bunaithe ar an bhfoirmle nó ar an modh a shainítear faoi roinn 5, iad na méideanna in aghaidh na bliana. Le haghaidh na bliana tosaigh, is gnách go n-íoctar an méid bliantúil gan laghdú ná *pro rata*.

<sup>13</sup> I gcás acmhainní dílse traidisiúnta (dleachtanna custaim, tobhaigh siúcra), ní mór na méideanna a luaitear a bheith ina nglanmhéideanna, i.e. méideanna comhlána agus 20 % de chostais bhailiúcháin a bheith bainte astu.

Caibidil/Airteagal/Ítim ...			
--------------------------------	--	--	--

Staid tar éis na gníomhaíochta					
Líne ioncaim	2027	[N+2]	[N+3]	[N+4]	[N+5]
6 6 0 0	0,12				
Caibidil/Airteagal/Ítim ...					

*(I gcás ioncam sannta amháin, ar choinníoll gurb eol an líne bhuiséid cheana):*

Líne chaiteachais <sup>14</sup>	2026	2027
04 02 03.01	0,09	0,12
Caibidil/Airteagal/Ítim ...		

Líne chaiteachais	[N+2]	[N+3]	[N+4]	[N+5]
Caibidil/Airteagal/Ítim m ...				
Caibidil/Airteagal/Ítim m ...				

#### 4. BEARTA FRITHCHALAOISE

#### 5. BARÚLACHA EILE

(modh/foirmle a úsáidtear chun ioncam a ríomh)

I gcás 2026 agus 2027, tá an ranníocaíocht bunaithe ar chomhéifeacht CSTE maidir le rannpháirtíocht sna cláir, ach i gcás 2021-2025 ríomhtar rannpháirtíocht chúlghabhálach bunaithe ar mhéideanna iarbhair a cuireadh chun feidhme le linn na tréimhse sin, mar a leagtar síos i gCinneadh Uimh. xx/2025 an xx 2025 ó Chomhchoiste LEE.

<sup>14</sup> Le húsáid más gá, agus sa chás sin amháin.

# RÁITEAS AIRGEADAIS REACHTACH ‘IONCAM’ - LE hAGHAIDH TOGRAÍ A bhFUIL TIONCHAR BUISÉADACH ACU AR THAOBH AN IONCAIM DEN BHUISÉAD

## 1. AINM AN TOGRA:

COMHAONTÚ IDIR AN tAONTAS EORPACH AGUS AN ÍOSLAINN LENA LEAGTAR SÍOS NA RIALACHA MAIDIR LE RANPHÁIRTÍOCHT NA hÍOSLAINNE I gCLÁR AN AONTAIS UM NASCACHT SHLÁN AGUS I gCOMPHÁIRT GOVSATCOM DE CHLÁR SPÁIS AN AONTAIS

[AN ÍOSLAINN, CLÁR AN AONTAIS UM NASCACHT SHLÁN]

## 2. LÍNTE BUISÉID:

Líne ioncaim (Caibidil/Airteagal/Ítim): 6 6 0 0

An méid arna bhuiséadú le haghaidh na bliana lena mbaineann:

(i gcás ioncam sannta amháin):

Sannfar an t-ioncam don líne chaiteachais seo a leanas (Caibidil/Airteagal/Ítim): 04 01 02, 04 03 01, 13 05 01, 14 08 01.

## 3. TIONCHAR AIRGEADAIS

- Ní bheidh aon impleacht airgeadais ag an togra
- Ní bheidh aon tionchar airgeadais ag an togra ar chaiteachas ach beidh tionchar airgeadais aige ar ioncam
- Tá tionchar airgeadais ag an togra ar ioncam sannta

Is mar seo a leanas a bheidh an éifeacht:

(EUR milliúin go dtí an chéad deachúil)

Líne ioncaim	An tionchar ar ioncam <sup>1516</sup>	Tréimhse 12 mhí dar tús 1/1/2026 (más infheidhme)	Bliain N
6 6 0 0	0,8		2026
Caibidil/Airteagal/Ítim ...			

<sup>15</sup> Is gá gur meastachán, atá bunaithe ar an bhfoirmle nó ar an modh a shainítear faoi roinn 5, iad na méideanna in aghaidh na bliana. Le haghaidh na bliana tosaigh, is gnách go n-íoctar an méid bliantúil gan laghdú ná *pro rata*.

<sup>16</sup> I gcás acmhainní dílse traidisiúnta (dleachtanna custaim, tobhaigh siúcra), ní mór na méideanna a luaitear a bheith ina nglanmhéideanna, i.e. méideanna comhlána agus 20 % de chostais bhailiúcháin a bheith bainte astu.

Staid tar éis na gníomhaíochta					
Líne ioncaim	2027	[N+2]	[N+3]	[N+4]	[N+5]
6 6 0 0	0,7				
Caibidil/Airteagal/Ítim ...					

*(I gcás ioncam sannta amháin, ar choinníoll gurb eol an líne bhuiséid cheana):*

Líne chaiteachais <sup>17</sup>	2026	2027
04 01 02	0,001	0,001
04 03 01	0,3	0,5
13 05 01	0,4	0,2
14 08 01	0,1	0,1

Líne chaiteachais	[N+2]	[N+3]	[N+4]	[N+5]
Caibidil/Airteagal/Ítim ...				
Caibidil/Airteagal/Ítim ...				

#### 4. BEARTA FRITHCHALAOISE

#### 5. BARÚLACHA EILE

(modh/foirmle a úsáidtear chun ioncam a ríomh)

I gcás 2026 agus 2027, tá an ranníocaíocht bunaithe ar chomhéifeacht CSTE maidir le rannpháirtíocht sna cláir, ach i gcás 2023-2025 ríomhtar rannpháirtíocht chúlghabhálach bunaithe ar mhéideanna iarbhir a cuireadh chun feidhme le linn na tréimhse sin, mar a leagtar síos i gCinneadh Uimh. xx/2025 an xx 2025 ó Chomhchoiste LEE.

<sup>17</sup> Le húsáid más gá, agus sa chás sin amháin.